

UMP hasilkan kaedah pembelajaran mudah ingat

BH (Varsiti) khamis
26/5/11 ms6


Oleh Mimi Rabita
Abdul Wahit
bhvarsiti@bharian.com.my

MEMPERMUDAHAN maklumat kepada bentuk ringkas dan tepat akan membantu proses ingatan individu selain disokong ulang kaji, ulangan berdasarkan kepada kepuasan, minat, kebolehan dan kecerdasan.

Konsep ini menjadi asas kepada Kaedah Belajar Format Ghani (KBFG) diperkenalkan Pengarah Penerbit merangkap pensyarah Pusat Bahasa Moden dan Sains Kemanusiaan (PBMSK), Universiti Malaysia Pahang (UMP), Dr Mohd Ghani Awang.

Beliau memperkenalkan kaedah pembelajaran itu dalam usaha membantu pelajar memahami pengetahuan dan membentuk sistem ingatan dengan lebih cepat dan mudah.

Katanya, pendekatan utama



FORMAT Ghani membantu pelajar mudah ingat.



GHANI memantau sesi pembelajaran.

pembelajaran KBFG dengan memecahkan setiap tajuk pembelajaran kepada bahagian kecil laitus subtopik atau objektif, isi major, isi minor, isi sokongan satu serta jika perlu, isi sokongan dua.

Susunan isi yang teratur mengikut susunan dan pengukuran isi sokongan, membolehkan setiap perenggan eseil

atau artikel ditonjolkan.

Beliau berkata, pendekatan KBFG itu boleh digunakan dalam pengambilan nota, pembentangan akademik, penulisan eseil, menjawab soalan eseil peperiksaan, penyelidikan, menulis laporan, buku dan pembahasan.

"Kaedah mudah mengingat isi major yang teratur memudahkan pelajar mengingati fakta

pengetahuan dalam pembelajaran mereka. Format ini ialah rumusan ringkas selepas pelajar mencapai tahap menguasai sesuatu bab. Ringkasan berpuluh muka surat diringkaskan lagi kepada beberapa muka surat saja bagi memudahkan proses pembelajaran," katanya.

Mohd Ghani berkata, KBFG diuji kepada pelajar sekolah rendah dan menengah, politeknik dan universiti serta terbukti membantu meningkatkan pencapaian mereka dalam peperiksaan.,

Katanya, selain dihasilkan dalam bentuk video cakera padat (VCD), kajian kemahiran belajar yang dijalankan sejak 1992 itu, turut diterbitkan dalam jurnal Scopus dan ISI.

KBFG mendapat pingat emas dalam Ekspo Teknologi Malaysia 2007 selain melayakkan Mohd Ghani menerima Anugerah Cendekia Bitara UMP.